

雲南通志

第二册

三卷

地 350
32
1.3



雲南通志卷之第三

沿革大事攷

攷沿革於滇其來久矣滇自梁州紀夏百濮盟周已見經傳迨莊躋自王迄於兩漢漸已臣服置吏下逮隋唐駸駸乎來享來王矣然其間叛服不常時通時塞蒙段諸爨彝觸鬪穴爭不勝紀載宋初雖以玉斧畫疆置之域外皇祐而後遣使入貢亦有可書元明以來經畧愈煩改土設流區畫甚善我

雲南通志

卷之三

沿革大事考

一

朝定鼎撫有遐荒

聖天子神武布昭紀綱振肅規模更爲宏遠其酌因革之宜以措此南服於久安者大書特書政未有艾夫彰往可以察來綜歷代而編次之亦鏡滇得失者所不廢也作沿革大事志

唐

堯因顓頊所建九州西南爲梁州

虞

舜肇十有二州一爲梁州

夏

禹貢九州華陽黑水惟梁州

商

湯奄有九有制如夏

周

武王伐紂濮人會於孟津

成王合梁於雍

越裳氏獻白雉重譯來朝及返迷失故道周公錫

以指南車期年乃至其國

雲南通志

卷之三

沿革大事考

二

春秋百濮興庸伐楚

百濮隨縻人伐楚

楚頃襄王使莊躄將兵循江上畧巴蜀黔中以西

躄至滇池以兵威畧定屬楚欲歸報會秦擊楚

巴黔道塞因還以其衆王滇

秦

使常頰畧通五尺道置吏

漢

武帝元光五年正月通西南彝初建元六年王恢

討東越使番陽令唐蒙風曉南越南越食蒙以
蒟醬問所從來曰道西北牂牁江蒙歸問蜀賈
人知蜀出蒟醬多竊持出市夜郎夜郎臨牂牁
江南越以財物役屬之蒙乃白上且言夜郎可
通狀上拜蒙爲中郎將從笮關入見夜郎侯多
同喻以威德聽約置吏發卒治道指牂牁江人
多物故逃亡者用軍興法誅之民大恐上使司
馬相如諭告還報言邛笮冉駹等可置郡縣上
又拜相如爲中郎將建節往使西彝皆請爲內

臣南至牂牁西至沫若水牪人張叔盛覽往受
經學歸教鄉人

元朔三年西南彝數反兵擊無功上患之使公孫
弘往視問還對言其不便上罷西彝獨置南彝
夜郎兩縣一都尉

元狩元年五月始通滇國初張騫至大夏見邛竹
杖問所自曰得之身毒國歸以白上乃命王然
于栢始昌呂越人等四道出求身毒至滇滇王
常羗即莊後與使者言漢孰與我大夜郎亦然使

者還盛言滇大國足事親附天子注意焉

元狩三年秋上將討昆明以昆明有滇池乃鑿昆明池於長安習水戰

元鼎六年冬且蘭侯友殺使者隔滇道乃遣中郎將郭昌衛廣擊誅之夜郎侯懼入朝以爲夜郎王冉駹之屬皆震恐請臣置吏復使王然于以兵威風諭滇王入朝

元封元年中郎將司馬遷奉使西征巴蜀南略邛笮昆明還報命是歲天子始建漢家之封

雲南通志

卷之三

沿革大事考

四

二年秋遣郭昌將兵略滇初滇東北有勞深靡莫同姓相仗未肯聽命復遣郭昌擊滅之以兵臨滇滇王降以其地爲益州郡賜滇王玉印仍長

其民

初武帝惡常恙言不遜伐之因竺白飯王裔仁果爲衆所推詔立爲滇正治自崖

號白子國莊氏世絕

六年春遣使通大夏昆明彝殺使奪幣物乃赦京師亡命遣郭昌將以擊之後復遣使竟不得通昭帝始元元年二月益州廉頭姑繪民反發蜀郡犍爲犇命萬餘人擊破之

四年秋姑繪糾櫟榆復友遣水衡都尉擊之敗績
五年秋復遣軍正王平大鴻臚田廣明擊之時鉤
町侯毋波從征有功明年立爲鉤町王

宣帝神爵元年三月遣諫大夫王褒求金馬碧雞
之神時蠻久叛路莫能通乃就蜀郡移文醮祭
及還道病卒

成帝河平二年夏夜郎王興鉤町王禹漏臥侯俞
舉兵相攻遣大中大夫張匡持節和解不從杜
欽薦蜀郡陳立爲牂牁太守從吏數十人行縣

雲南通志

卷之三

沿革大事考

五

至且同亭召興至斬之衆遂釋兵禹俞震恐降
東漢

光武建武十四年以任貴爲越嶲太守初王莽時
益州數叛馮茂廉丹史熊前後攻之不克越嶲
蠻任貴亦殺太守枚根降於公孫述益州太守
文齊拒之至光武卽位牂牁大姓龍傅尹等與
文齊同保境奉貢於漢任貴乃降

十九年棟蠶姑復櫟榆弄棟友遣威武將軍劉尚
討之路由越嶲任貴釀毒酒勞軍尚覺掩襲誅

之明年棟蠶等平

二十七年哀牢彝賢栗等率種人詣越雋太守鄭鴻降求內屬封爲君長

明帝永平元年姑復彝復叛益州刺史發兵討破之

十二年春哀牢王柳貌率衆內屬以其地置哀牢博南二縣割益州郡西部六縣爲永昌郡始通博南山渡蘭滄水

十七年白狼王唐菽作詩頌漢功德

雲南通志

卷之三

沿革大事考

六

牂榆等六處獻貢

章帝建初元年八月哀牢王類牢友明年破斬之時昆明彝鹵承應募有功封爲傍邑侯

兀和二年龍馬出滇池甘露降白鳥見詔列郡建學

和帝永元九年擲國王雍由調遣重譯貢珍寶賜以金印紫綬小君長皆加印綬錢帛

安帝永初元年徼外僬僥種彝陸類內附

元初四年七月越雋彝封離叛遣中郎將尹就討

之敗績詔還以兵屬益州刺史張喬

五年春永昌等三郡彝叛應封離衆至十餘萬破

二十餘縣焚掠百姓千里無人

六年十二月張喬遣從事楊竦擊封離等大破之

離乞降竦因奏長吏姦滑激亂者九十人皆減

死論

永寧元年擲國王雍由調復遣使朝賀獻樂及幻

人封雍由調爲大都尉

靈帝熹平五年夏殺永昌太守曹鸞以其請赦黨

雲南通志

卷之三

沿革大事考

七

人也

益州蠻叛太守李顥刺史龐芝討平之

蜀漢

後主建興元年六月益州耆帥雍闓殺太守求附

於吳又使郡人孟獲誘煽諸彝牂牁越嶲皆叛

應闓

三年春三月丞相諸葛亮南征叅軍馬謖進曰用

兵之道攻心爲上攻城爲下心戰爲上兵戰爲

下願公服其心而已亮納之

七月亮至南中所至戰捷由越嶲入斬闔等獲收
餘衆拒亮亮募生致之既擒使觀營陣復縱之
更戰七縱七擒猶遣獲獲不去曰公天威也南
人不復友矣遂入滇池益州永昌牂牁越嶲四
郡皆平亮卽渠率而用之或以爲疑亮曰不畱
兵不運糧綱紀粗定彝漢粗安故耳收其俊傑
爲官屬出物給軍國以仁果十五世孫龍
佑那爲蠻長賜姓張氏

改益州郡爲建寧郡以李恢爲太守分建寧永昌
雲南通志
置雲南郡以呂凱爲太守分建寧牂牁置興古
郡以馬忠爲太守

十一年彝帥劉胄反都督馬忠擊斬胄將軍張嶷
等復平之

延禧三年叟彝數反殺太守龔祿焦璜亮遣張嶷
討之生縛其帥誅其首惡諸種落皆降

晉

武帝泰始七年八月分益州之南中四郡置寧州
太康三年八月廢寧川入益州立李毅爲南彝校

尉護之

惠帝太安元年八月建寧李叡毛詵逐太守杜俊
朱提李猛逐太守雍約以應蜀寇李特李毅討
斬詵叡走依五苓彝猛以箋降毅惡其言不遜
誘殺之冬十一月詔復置寧州以毅爲刺史
二年五苓彝帥于陵承詣毅請恕叡罪毅許諾及
至殺之諸彝遂友奉建寧太守馬恢爲刺史毅
出軍救恢及聞其情乃殺恢

光熙元年三月五苓彝圍寧州毅病請救未達卒

雲南通志

卷之三

沿革大事考

九

毅女秀明達有父風衆推領州事勗勵戰士嬰
城固守城中糧盡灸鼠拔艸而食伺彝稍怠出
兵掩擊破之時治中毛孟詣京師告急上不之
省孟情詞哀迫朝廷憐之乃以王遜爲寧州刺
史

懷帝永嘉四年十一月王遜表李毅子釗爲朱提
太守隨擊滅五苓彝以地勢形便上分牂牁爲
平彝郡分朱提爲南廣郡分建寧爲夜郎郡分
永昌郡爲梁水郡又改益州郡爲晉寧郡從之

時寧州外逼李雄內多彝寇遜極其招撫遠近畏服但誅殺太過諸彝皆有叛志

愍帝建興四年五月平彝太守雷炤殺南廣太守孟桓帥二郡叛降李雄

明帝太寧元年正月李釗以郡叛降李雄

四月李雄遣李驤寇寧州王遜使將軍姚嶽大破之於堂狼嶽不窮追及回遜鞭之怒甚髮上指冠爲之裂是夜遜卒詔除其子堅爲刺史

二年十二月梁水太守爨亮益州太守李暹以興

雲南通志

卷之三

沿革大事考

十

吉叛降李雄

三年五月陶侃以王堅懦弱不能禦寇表零陵太守尹奉爲寧州刺史徵堅還奉殺爨亮降李暹彝境乃安

成帝咸和二年正月寧州秀才龐遺起義兵攻李雄將任佗李謙等雄遣將羅恆費黑來救尹奉使姚嶽及朱提太守楊術援遺戰於臺登嶽敗績術死之

八年正月李雄將李壽陷寧州尹奉及建寧太守

霍彪降之

九年李雄分寧州置交州以霍彪爲寧州刺史爨深爲交州刺史初爨氏有東西黑白四種傳爲楚令尹之後西漢末白爨據曲州靖州昆州安寧等處黑爨據昆陽新興寧州威楚等處至晉爨叟以建寧降雄深爲興古太守兵敗亦降咸康二年十月廣州刺史鄧嶽遣督護王隨擊夜郎新昌太守陶協擊興古並克之
四年八月分寧州置安州

雲南通志

卷之三

沿革大事考

十一

五年三月鄧嶽伐蜀建寧人孟彥執霍彪以降
八年罷安州并寧州

孝武帝太元五年苻秦以姜宇爲寧州刺史南中屬秦

宋

文帝元嘉十八年十二月晉寧太守爨松子反寧州刺史徐循討平之

梁

高帝天監十三年十一月殺寧州刺史李畧初魏

王足伐梁畧禦之歸而怨望足因殺畧
簡文帝大寶元年十月寧州刺史徐文盛敗侯景
兵於貝磯

隋

文帝開皇十七年二月南寧彝友詔以史萬歲爲
行軍總管討之自蜻蛉川過諸葛紀功碑度西
洱河入渠濫川破其三十餘部彝懼請降萬歲
欲將其酋長爨翫入朝翫賂萬歲因舍之明年
復友蜀王奏其受賂縱賊除名爨翫懼入朝上
雲南通志

卷之三

沿革大事考

十一

戮之没其子弘達爲廝

唐

高祖武德七年閏七月命韋仁壽檢校南寧州都
督寄治越嶲初高祖釋爨弘達爲昆州刺史諸
彝皆內附遣使撫之類皆貪縱仁壽至法令清
肅承制置七州十五縣各官其豪帥諸彝悅服
遣子入貢後爨歸王代仁壽爲都督開西爨蜻
蛉弄棟等縣

太宗貞觀二十二年四月遣右武侯將軍梁建方

討松外蠻遣使諭河蠻楊盛等皆降是年西洱河大首領楊同外東洱河大首領楊歛松外首領蒙羽皆入朝授官秩

二十三年册建寧張樂進求爲首領大將軍進求尋遜位於蒙氏蒙氏自舍龙始盛舍龙生獨邏曰細奴邏稱蒙舍詔其地在南又稱南詔

高宗永徽四年細奴邏遣子邏盛炎入朝封魏州刺史

大勃弄楊承顛寇麻州都督任懷玉招之不從以雲南通志
卷之三
沿革大事考
十二
左領軍將軍趙孝祖爲郎州行軍總管與懷玉討定之

顯慶元年七月西洱蠻酋長楊棟附顯和蠻酋長王郎祁郎昆黎盤四州酋長王伽衝等帥衆內附

麟德元年置姚州都督府於弄棟川

咸亨三年正月姚州蠻寇邊殺長史李孝讓等以太子右衛梁積壽爲姚州道行軍總管討之

上元元年細奴邏死子邏盛炎嗣武后時盛炎入

朝

中宗景龍元年六月吐蕃及姚州蠻寇邊姚嵩道討擊使唐九徵敗之吐蕃以鐵絙梁漾濞二水通西洱蠻築城戍之九徵毀絙平城建鐵柱於滇池勒功

四年十二月姚州蠻友監察御史李知古擊降之因聚斂誅掠羣蠻怨怒引吐蕃攻殺知古姚嵩路絕

邏盛炎死子盛邏皮立進封臺登郡王

雲南通志

卷之三

沿革大事考

十四

玄宗開元元年十月姚嵩蠻寇姚州都督李蒙死之是年盛邏皮始用兵於五詔

二年盛邏皮遣張建成入朝

三年十月嵩州蠻寇邊右驍衛將軍李玄道伐之

十六年盛邏皮死子皮邏閣嗣

十七年二月嵩州都督張審素克雲南昆明城

十九年十二月殺嵩州都督張審素以其賊汚也

二十六年九月册皮邏閣爲雲南王賜名歸義滇有六詔莫能相一歷代因之以分其勢南詔至

皮邏閣逐河蠻取太和城又襲大磬城守之因城龍口以處其子閣羅鳳其勢益強遂賂劍南節度使王昱求合六詔爲一許之乃誘焚五詔於松明樓並有其地遷治太和城卒爲邊患天寶元年置姚州澄川守捉使五年歸義遣其孫鳳迦異入朝授鴻臚卿賜樂一部

七年十二月歸義死子閣羅鳳襲封雲南王詔以其子鳳迦異爲陽瓜州刺史

雲南通志

卷之三

沿革大事攷

十五

九年十月南詔反陷雲南郡初鮮于仲通爲劍南節度使褊急失蠻彝心故事南詔與妻子俱謁都督過雲南太守張虔陀皆私之又多所徵求閣羅鳳忿怒攻陷雲南殺虔陀取彝州三十二年四月鮮于仲通將兵八萬討南詔鳳馳表陳虔陀之罪中官賈奇俊抑之不得達又遣使謝罪請還所俘掠仲通不許進戰西洱河大敗死者六萬人大將王天運死之鳳遂臣吐蕃吐蕃以爲弟稱贊普鍾給金印號東帝鳳乃刻碑國

門言不得已而叛唐楊國忠掩其敗狀復募兵以擊之

彝稱弟
日鍾

十三年六月劔南留後李宓擊南詔爲閣羅鳳所誘深入糧盡士卒饑疫引還蠻兵追戰全軍皆沒前後死者幾二十萬人國忠更以捷聞鳳因取犒州會同郡據清溪關以破越析

代宗大曆元年閣羅鳳築羊苴咩城於太和之北名大禮國改僞號長壽

十四年九月閣羅鳳死其子鳳迦異早死孫異牟

雲南通志

卷之三

沿革大事攷

十六

尋襲十月連吐蕃三道入寇州縣多陷神策都將李晟擊破之

德宗貞元三年正月異牟尋徙居羊苴咩城請內附初閣羅鳳獲西瀘令鄭回回通經術鳳令子孫師事之及尋嗣以回爲相時苦吐蕃侵擾因說尋謂中國尚禮義有惠澤無賦役宜歸唐尋以爲然諸蠻頗得尋意白西川節度使韋臯臯遣諜者遺書于尋吐蕃疑之因責大臣爲質尋愈怨潛求內附臯以聞乃命臯作書諭之尋決

策歸唐

四年四月牟尋遣使入見

九年五月韋臯遺異牟尋書欲共襲吐蕃尋上表請從乃賜尋詔令臯遣使慰撫之

十年正月異牟尋大破吐蕃初韋臯遣巡官崔佐時持詔往諭異牟尋至則蕃使數百人先在其國佐時大宣詔書勸尋悉斬蕃使去其所立之號尋從之與佐時盟於點蒼山時吐蕃徵兵雲南尋陽示寡弱遣兵五千應之自將數萬人踵後晝夜兼行大破吐蕃於神川取鐵橋十六城俘其五王獻捷京師

雲南通志

卷之三

沿革大事考

十七

六月異牟尋遣弟湊羅棟清平官尹仇寬上地圖方物及吐蕃金印請復號南詔詔以祠部郎中袁滋充册使賜銀窠金印尋北面跪受因宴滋陳明皇所賜閣羅鳳器物且指笛工歌女曰皇帝賜先君龜茲樂惟二人在耳滋諭以宜深思祖德盡忠於唐尋拜曰敢不承使者所命異牟尋攻吐蕃復取昆明城以食鹽地又破施蠻

順蠻並禽其王置白崖城因定麼些蠻隸昆山
西爨故地破范蠻掠弄棟蠻以實雲南東北
十五年異牟尋謀擊吐蕃以遼川寧北等城當寇
路乃峭山深塹修戰備上許出兵助之又請以
大臣子弟質於臯臯辭固請乃盡舍成都咸遣
就學且言昆明萬州與吐蕃接不先加兵必爲
所脇請臯早圖

吐蕃謀襲南詔將以十月圍嶺州屯兵昆明又屯
西貢川異牟尋告於韋臯臯遣將武免屯黎州

雲南通志

卷之三

沿革大事考

十八

嶺州以應之吐蕃引衆五萬自曩貢川分二軍
攻雲南一軍攻嶺州臯以嶺州實往來道扞蔽
數州乃嚴兵以守別遣將襲擊降其帥吐蕃兵
氣頓衰退至鐵橋南詔毒其水人馬飲之多死
吐蕃益懼遂屯三瀘水復城悉攝悉攝吐蕃險
要也南詔與臯部將杜毗羅徂擊之

十六年南詔進奉聖樂舞御麟德殿觀之

十七年春南詔等夜絕瀘水斬吐蕃屯卒吐蕃保
鹿危山毗羅設伏以待吐蕃大酋皆降南詔又

合鬼主破之於瀘西吐蕃大懼乃戍納川等五城欲悉師出西山劔山收嵩州以絕南詔臯遣將邢毗屯南北路趙昱戍黎雅州尋謂臯曰吐蕃聲取嵩州實窺雲南請進軍羊苴咩城臯督諸將分道與南詔會陳兵深入克城七焚堡百五十所斬獲無筭臯班師帝遣中使慰尋尋自是比年貢方物天子禮焉

憲宗元和三年七月異牟尋死遣使吊祭册其子尋閣勸爲雲南王賜元和新印

雲南通志

卷之三

沿革大事考

十九

四年十一月尋閣勸死子勸龍晟立

十一年二月龍晟淫雪不道其臣王嵯巔弑之立其弟利晟

穆宗長慶三年始賜勸利晟印是歲勸利晟死弟

豐祐嗣

蠻慕中國不連父名始此

詔遣京兆少尹韋審規臨

册豐祐隨遣洪成酋等入謝

文宗太和三年十一月豐祐與王嵯巔入寇時節度使杜元穎不曉軍事脫削衣糧戍卒竄入蠻境告以虛實遂爲卿導襲陷嵩戎州十二月抵

成都入其郛元穎保牙城以拒欲遁者數四蠻大掠而去遣右領軍衛董質追擊之蠻復寇梓州又寇蜀州豐祐遣使上表請誅元穎詔貶元穎循州司馬

四年十月以李德裕爲西川節度使蜀自南詔入寇千里殘敝德裕至作籌邊樓凡山川險要悉圖於上日召習邊事者訪之未踰月皆若身嘗涉歷上命脩塞清溪關以斷南詔入寇之路德裕上言通南詔細路至多不可塞惟重兵鎮守

雲南通志

卷之二

沿革大事考

二十

可保無虞時欲詔北兵歸德裕奏言蜀兵脆弱新爲南詔所困皆破膽不堪征戍若北兵盡歸蜀不可保朝廷皆從其請德裕乃脩甲冑器械率戶二百取一人習戰作雄邊子弟等十一軍築杖義城以制大度青溪之阻作禦侮城以控榮經犄角勢作柔遠城以扼西山吐蕃復邛峽關徙嵩州治臺登以奪蠻險舊制歲杪運內粟贍黎嵩州分餉諸戍常以盛夏苦瘴毒輩夫多死德裕命轉邛雅粟以十月爲漕始先夏而至

運饋者不涉炎月邊民乃安

五年五月李德裕索南詔所掠百姓得四千人

六年南詔掠驃國民三千徙之拓東

武宗會昌六年九月南詔寇安南經畧使裴元裕

死之唐書本紀作敗之

宣宗大中十二年安南都護李瑑貪暴羣蠻怨憤

結南詔將段酋遷陷都護府南詔發朱弩佉苴

三千助之歲猶朝貢朱弩佉苴蠻觀衛軍

十三年豐祐死子酋龍嗣酋龍本酋隆唐人以明皇諱改書龍

雲南通志 卷之三 沿華大事考 二十

十二月南詔寇陷播州時節度使杜悰變韋臯制

度屢擾蠻人祐死龍立朝廷以名近明皇諱不

行册弔酋龍因僭稱皇帝建元建極偽號大禮

國遂絕朝貢遣兵陷播州

懿宗咸通元年南詔遣使董成等至成都欲與節

度抗禮李福囚之劉潼繼為節度釋成等召至

京師厚賜遣還

二年七月南詔陷邕州先是廣桂容三道共發兵

三千戍邕三年一代經畧使段文楚請罷三道

自募土軍許之所募僅五百人詔文楚還經畧使李蒙利其闕額衣糧以自入止以土兵戍守南詔乘虛入寇遂陷邕州

九月杜棕上言南詔強盛未可輕絕應遣使弔祭諭令改名方行册命上以孟穆爲弔祭使會寇嵩州遂不行

三年二月南詔復寇安南經畧使王寬告急以蔡襲代之仍發兵五萬授襲兵勢旣盛蠻遂引去會詔左庶子蔡京經制嶺南忌襲功奏南蠻遠

雲南通志

卷之三

沿革大事考

二十一

遁請罷戍兵從之襲執不可乞畱兵五千累表不報復極陳南詔伺隙久有十必死狀申中書時相信京言終不之省

冬十一月南詔寇安南蔡襲告急勅發兵赴之南詔已圍交阯救兵不得至

四年正月南詔攻交阯甚急蔡襲錄異牟尋盟言繫矢上射入其營不荅俄而城陷襲闔宗死者七十人幕府樊綽取襲印走度江荆南兵入東郭苦戰斬南詔二千級是夜蠻遂屠城蠻兵兩

陷交阯所殺幾十五萬人詔諸道兵退保嶺南
五年四月南詔寇邕州官兵敗沒節度使康承訓
不知所爲有小校率勇士三百人夜縋城出燒
其營蠻大驚解圍去承訓奏捷加檢校右僕射
而小校不遷軍士怨憤蠻兵復掠嶺州節度使
蕭鄴率屬蠻鬼王邀南詔大度河敗之蠻俗尚
鬼謂主
祭者爲鬼主
蓋酋長也
六年復寇嶺州刺史喻士珍開門降南詔因坑嶺
州戍卒

雲南通志

卷之三

沿革大事考

二十三

七年六月高駢代康承訓爲嶺南西道節度使屢
破蠻兵監軍李維周忌之奏其玩兵代以王晏
權駢間道奏捷上大喜加校檢尚書鎮安南駢
督勵再攻斬三萬餘級蠻皆歸附遂復交阯
十年十月南詔傾國入寇十二月陷犍爲及嘉州
節度使竇滂潰逃遂陷黎雅詔左神武將軍顏
慶復將兵援之先是南詔遣楊酋慶來謝釋董
成之囚歸成都俘三千人定邊節度使李師望
殺其使師望貪殘代以竇滂滂尤不法蠻遂入

寇

十一年二月南詔進攻成都節度使盧耽與刺史楊慶復共禦之耽告急於朝暫請遣使與和以抒一時之急詔以太僕卿支詳爲宣禦通和使以緩其兵由是守備粗完既而蠻四面合攻耽命突將出戰焚其攻具乃退

十四年南詔寇黔中經畧使秦匡謀懼奔荆南僖宗乾符元年十一月南詔寇西川作浮梁濟大渡河防河兵馬使黃景復擊敗之適南詔新兵

雲南通志

卷之三

沿革大事考

二十四

繼至力戰三日景復潰十一二月陷黎州入邛崃關攻雅州且遺書節度使牛叢乞假道入朝叢欲許之以楊慶復言斬其使畱二人還報授以書詈辱之蠻乃退

二年正月高駢節度西川南詔請和不許發兵追至大渡河斬其酋長五十收邛崃關復取黎州蠻遁駢召景復責大渡河之敗斬以徇

三年正月南詔復奉書丐和駢斬其使

四年二月酋龍死子法嗣請和許之酋龍爲邊患

二十年唐室因之虛耗至法好畋獵酣飲事委大臣嶺南西道節度使辛讜奏南詔請和詔可五年四月南詔請和親無表又不肯稱臣詔百官議之

六年正月辛讜遣巡官徐雲虔至善闡城責以大義法厚待雲虔授木夾送還

廣明元年六月盧攜豆盧瑑上言中原多故南詔寢強不若權與之和以息邊患從之以李龜年爲宗正少卿充使徐雲虔爲副詣南詔明年龜

雲南通志

卷之三

沿革大事考

二十五

年還南詔款附

中和三年七月南詔遣楊奇肱來迎公主詔以鑾輿巡幸儀物未備爲辭奇肱不從

十月以宗女爲安化長公主妻南詔

昭宗乾寧四年南詔法死子舜化嗣十二月上書朝廷欲報之王建言臣在西南彼必不敢犯塞何足辱詔書遂止

天復二年南詔清平官鄭買嗣鄭回弒其王舜化

遂滅蒙氏僭號大長和國

蒙氏傳三十五世其二百三十五世其

後梁

太祖開平四年鄭買嗣死子旻立

乾化四年十一月南詔寇蜀蜀王建大破之自是南詔不復犯邊

後唐

莊宗同光四年鄭旻死子隆嗣

明宗天成元年東川節度使楊千貞殺鄭隆立侍中趙善政

三年善政僭號大天興國千貞廢之自立僭號大

雲南通志

卷之三

沿革大事考

二十六

義寧國

後晉

高祖天福元年通海節度使段思平討楊千貞二年思平自立僭號大理國段氏先爲武威郡人自段忠國佐蒙氏爲清平官六傳至思平爲通海節度千貞忌之匿於舅爨判家會善巨守高方密招思平乃與弟思良軍師董伽羅就之遂謀舉義借兵黑爨松爨三十七部會於石城引兵渡河千貞敗走永昌自縊死思平遂僭號居

羊苴咩城

開運三年段思平死子思英嗣叔思良廢之自立
後周

太祖廣順元年段思良死子思聰嗣

宋

太祖乾德三年正月王全斌平蜀欲以兵威取滇
進滇地圖太祖鑒唐之禍以玉斧畫大渡河曰
此外非吾有也由是雲南不通中國爲段氏竊
據

雲南通志

卷之三

沿革大事考

二十七

開寶二年思聰死子素順嗣

太宗雍熙二年素順死子素英嗣

眞宗大中祥符二年素英死子素廉嗣

仁宗乾興元年素廉死素英之孫素隆嗣避位爲
僧傳於素廉之孫素貞

天聖四年素貞死孫素興嗣

慶曆元年國人廢素興立思平曾孫智恩之子思
廉嗣

皇祐五年正月狄青大敗農智高於邕州智高走

大理青募死士求之時智高已死段思廉乃函其首送京師

神宗熙寧八年思廉避位傳子廉義

九年段廉義遣使入貢

元豐三年楊義貞殺其主廉義自立高智昇許殺之立廉義子壽輝善聞侯高昇泰又廢之立思

廉孫正明

五年國人廢正明立善聞侯高昇泰段氏中絕

哲宗紹聖元年昇泰僭號大中國昇泰死子泰明

雲南通志

卷之三

沿革大事考

二十八

奉父遺命立正明弟正淳號後禮國以泰明爲相政令皆出其門

徽宗崇寧二年遣高泰連入朝求經籍得六十九家

大觀二年正淳避位子正嚴嗣

政和七年二月廣州觀察使黃璘誘大理入貢詔以其主段和譽爲雲南節度使封雲南國王

即正嚴

高宗紹興三年廣西奏大理求入貢卻之

六年廣西經略安撫司奏大理貢象馬詔護送行
在所優禮荅之

十七年正嚴避位子正興嗣

孝宗乾道八年正興避位子智興嗣

九年大理李觀音得等至橫山寨求市馬

淳熙二年知靜江府張栻令邕管提舉司精選峒

丁以制大理

寧宗慶元六年智興死子智廉嗣

開禧元年智廉死傳弟智祥

雲南通志

卷之三

沿革

二十九

理宗嘉熙二年智祥避位子祥興嗣

淳祐元年黎守閩師古言大理請道黎雅入貢安

撫使孟琪卻之

十一年祥興死子興智嗣

十二年爲元憲宗二年八月遣太弟忽必烈征雲

南

寶祐元年九月元師次忒刺以大將兀良合台總

諸軍事分爲三道太弟率勁騎由中道至滿陀

城過大渡河遣三使入大理招段興智皆被殺

大理相高泰祥守金沙江太弟令革囊以濟入
白蠻打郭寨十二月薄大理城屢戰皆捷兩路
兵亦至興智與泰祥棄城走太弟從姚樞之言
下令不殺按兵入城安堵如故命姚樞訪圖籍
祭三使追興智不及獲泰祥不屈斬於姚州
太弟班師畱兀良合台攻善闡擒段興智詔赦從
征烏白蠻各部遂入吐蕃其酋出降西南彝悉
平得五城八府四郡三十七部悉爲郡縣以劉
時中爲宣撫使同興智安輯大理兀良合台畱
鎮伐交阯及車里等彝皆降

雲南通志

卷之三

沿革大事考

三十

元

世祖中統元年段興智入朝道卒

二年段興智弟信苴日入朝賜虎符詔領大理諸
郡

四年八月置元帥府於大理命昔撒昔總制鬼國
大理兩路

至元元年東爨舍利畏倡亂諸部並起信苴日合
兵討平之

四年八月以呈子忽哥赤爲雲南王九月移鎮大理

七年十二月金齒驃國三部酋長內附

八年五月分大理等處爲南北中三路置中書省於善闡改名中慶路共爲路三十七甸四十八勅遣阿魯忒兒等撫治大理詔諭諸蠻

十一年上謂賽典赤曰雲南比因委任失宜使遠人不安欲選長厚者撫治莫過於卿賽典赤卽訪熟知雲南地者畫其山川城郭彝險遠近爲

雲南通志

卷之三

沿革大事考

三十一

圖以獻帝悅遂拜平章政事行省雲南並以信苴目爲大理總管

十二年正月賽典赤以改定雲南諸路名號來上又言雲南風俗未變宜建學明倫貿易未諳鈔法交會貳子公私皆便從之

十四年四月廣南溪洞儂土貴左江李惟屏右江岑從毅等皆納款交趾王至雲南乞爲外藩

緬蒲其彝寇金齒賽典赤遣萬戶忽都等攻之敗走

十五年五月詔烏蒙路總管阿牟置驛路聽賽典赤節制

十八年以信苴日爲宣撫使都元帥尋拜雲南路行中書省叅知政事

十九年二月遣諸王相荅吾兒右丞大卜叅政也罕的斤征緬信苴日迎師至金齒病卒以其弟忠爲大理宣慰司軍民萬戶府子慶爲宣慰使都元帥佩金虎符

二十年七月開雲南驛路分亦奚不薛地爲三設

雲南通志

卷之三

沿革大事考

三十二

官治之

十一月相荅吾兒等分道擊緬招討使怯烈造舟於阿昔阿禾兩江順流攻之拔江頭城遣使招其王不應進拔太公城緬降

二十一年正月金齒十二部皆內附置卯牙宣慰司於蒲其命雲南王率怯烈移鎮緬

二十七年以宗室鎮善闡與段氏構隙分域

二十九年四月設雲南諸路學校以蜀士克教官成宗大德四年五月緬人僧哥倫作亂緬王執其

兄阿散哥也尋釋之阿散哥也率其黨弒王王次子奔愬京師詔遣薛超兀兒等率行省討之
緬阿散吉牙等赴闕請罪遂罷兵

十二月丞相完澤因雲南左丞劉深之言勸帝征八百媳婦以彰武功哈喇哈孫力諫不聽命深及哈帶將兵以往中丞董士選亦極言不便不聽

五年五月劉深兵次順元遠昌烟瘴轉餉艱難士卒糧夫死者數十萬人又脇求水西土官之妻

雲南通志

卷之三

沿革大事攷

三十三

蛇節金三千兩馬三千匹蠻酋宋隆濟遂連蛇節率苗獠反攻破黃楊諸寨進攻貴州知府張懷德力戰死遂圍深窮谷中梁王濶濶救之賊稍卻

七月征**緬**師還爲金齒諸蠻所遮士多戰死詔薛超兀兒移兵討之無功

九月免薛超兀兒爲庶人誅高慶察罕不花以征**緬**時受賂倡還故也

十一月上因劉浹敗始悔不用哈喇哈孫董士選

之言復遣劉國傑及楊賽因不花率川湖各省兵討宋隆濟及蛇節別勅梁王提兵應之

六年正月劉深等糧竭引還隆濟邀之士卒殺傷殆盡御史中丞陳天祥上書諫罷征不報

三月烏撒烏蒙東川芒部及武定威楚普安諸蠻因蛇節之亂皆乘釁叛上遣也速兒等會劉國傑進討之時國傑方征順元不及來會速兒等分兵次第平之因免劉深官

七年三月劉國傑師出播州與賊戰失利乃令軍

雲南通志

卷之三

沿革大事考

三十四

各一盾布釘其上陣合棄盾佯走賊逐之馬遇盾皆什國傑鼓躁趣之賊大敗數日復破於墨特川斬蛇節追禽隆濟餘黨相繼平劉深論死會赦有司議釋深哈喇哈孫曰邀名首釁喪師辱國非常罪比遂誅深罷雲南分省

武宗至大二年十一月八百媳婦及徹里諸蠻作亂遣雲南右丞**莫只兒**威往招諭之爲賊所賂復以肆掠敗還

西年五月復遣兵擊八百媳婦侍御史趙世標諫

曰蠻彝事在羈縻先朝用兵不已致亡失軍旅
誅戮省臣今當選重臣知體者付以邊寄兵宜
無用不聽

文宗至順元年三月雲南諸王禿堅叛陷中慶路
自稱雲南王以萬戶伯忽爲丞相阿禾等爲平
章事聞遣豫王阿剌忒納失里督諸將討之

五月雲南宣慰使祿余等叛附於禿堅羅羅諸蠻
相繼作亂殺雲南行省平章帖木兒不花復遣
諸王雲都思帖木兒將江浙兵同湖廣省臣脫

雲南通志

卷之三

沿革大事考

三十五

歡討之

二年四月豫王及各省進兵斬伯忽阿禾復中慶
路諸蠻亦降遣使獻捷言叛者或誅或降雖已
畧定餘者逃竄山谷不能必其無反側乞分兵
鎮遏餘皆遣還從之

九月祿余復寇順元等路雲南都元帥怯烈潛師
擊破賊砦誅禿堅一弟三子祿余遁明年乞降
并請改附四川賊平

二年雲南饑五月詔蠲本省田租三年

順帝至正二年大理諸路請官賑恤災傷從之
二十三年三月明玉珍遣將李芝麻帥兵由八番
入陷雲南梁王帖木不花遣大理宣慰使段功
敗之於關灘追至回蹬關大破之梁王以女阿
禿主妻功奏授行省平章未幾梁王忌殺功阿
禿主怨憤不食死其從官楊淵海亦自經
二十七年梁王七攻大理不克奏授段寶爲雲南
左丞

明

雲南通志

卷之三

沿革大事攷

三十六

太祖洪武四年段寶遣段貞歸欵

五年梁王把匝刺瓦爾密據雲南不下正月遣翰
林院待制王禕往諭禕至動以危言梁王欲降
適元太子立於漠北遣官脫脫來索餉知禕在
滇梁王不能隱出禕見之禕不少屈遂遇害時
六年十二月也

七年八月遣元威順王子伯伯諭梁王不從

八年九月復遣湖廣行省叅政吳雲諭雲南先是
梁王使其臣鐵知院等二十餘人如漠北爲徐

達所獲上釋之令偕雲往諭至沙塘口知院等
脇雲易制書不從梁王亦遣人刼降雲終不屈
爲其所殺

十四年九月命穎川侯傅友德爲征南將軍永昌
侯藍玉西平侯沐英爲副列侯曹震王弼金朝
興都督郭英張銓等皆從征雲南授以方畧師
至湖廣友德悉遵上諭分遣郭英胡海洋陳桓
由永寧向烏撒十一月友德由辰沅趨貴州十
二月攻克普定普安直抵曲靖敗元兵於白石

雲南通志

卷之三

沿革大事考

三十七

江獲其平章達里麻友德自率師以應烏撒分
遣沐英藍玉急趨雲南次板橋梁王走滇池島
中右丞觀音保以城降梁王闔家及左丞驢兒
達德俱赴水死中慶路平沐英以兵趨烏撒會
友德破右丞實卜遂城烏撒得七星關以通畢
節至可渡河束川烏蒙芒部諸蠻皆降

十五年正月詔置雲南布政司都司及各府州縣
烏撒烏蒙等處皆畱兵守禦是月友德分兵狗
臨安澂江等處皆下之降其平章濶濶乃馬等

閏二月沐英藍玉等進攻大理段世據龍首龍尾
二關英自將攻之不拔命王弼率兵由洱水東
趨上關英取下關遣胡海洋遠點蒼山後攀木
緣崖而登樹列旗幟段軍驚潰英策馬渡河斬
關而入遂克大理獲段世及段寶二孫又分兵
取鶴慶麗江畧定金齒等處北攻建昌元平章
月魯帖木兒降全省皆平

三月更定雲南所屬州縣

四月烏蒙烏撒東川建昌芒部等復叛上勅傳友

雲南通志

卷之三

沿革大事考

三十八

德會沐英討之七月英自大理還合兵勦平以
烏撒烏蒙芒部三府隸四川

六月元右丞普顏篤復叛據大理佛光寨金齒土
酋高大惠并也先虎都構麓川入寇明年討平
之

九月傳友德等分兵攻未服諸蠻土酋楊苴乘虛
煽衆以叛糾黨至二十萬攻雲南城都督謝熊
都指揮馮成固守沐英自烏撒移兵討平之
十六年二月傳友德送元雲南右丞觀音保叅政

車里不花段世及段寶二孫至京師上赦之賜
觀音保姓名李觀授金齒指揮使寶二孫賜名
歸仁歸義授武昌鴈門兩衛鎮撫

三月麓川緬甸車里八百媳婦皆內附命傳友德
藍玉等班師沐英畱鎮

十七年移中土大姓以實雲南

八月平緬宣慰使思倫法遣使獻方物

法彝言王也舊作發

誤後書應
削去法字

十八年十二月思倫友率衆寇景東馮誠擊之失

雲南通志

卷之三

沿革大事考

三十九

利千戶王昇死之

十九年二月雲南臻洞西浦擺金擺榜諸蠻叛命
傳友德耿炳文討平之

九月沐英奏請屯田從之

三十一年正月思倫入寇結寨於摩沙勒沐英遣
都指揮甯正擊破之三月復悉衆寇定邊號三
十萬沐英兼程而進使馮誠挑之賊以象戰英
督軍力攻獲四十七象賊遁

六月東川蠻叛復命傳友德爲征南將軍沐英陳

桓爲副討平之

九月越州土酋阿資叛傳友德沐英連敗之明年

阿資降

二十二年都御史黃政從征雲南還次普安遇
寇及其子琬皆死之

二十三年置景東蒙化二衛

十一月思倫請降

二十四年十二月沐英以阿資叛服不常請徙越
州衛於陸涼鎮之阿資復叛都督何福討降置

雲南通志

卷之三

沿革大事考

四十

寧越堡

二十八年正月阿資復叛西平侯沐春率何福擒
斬之誅同惡二百餘人

三十年正月置雲南按察司

九月平緬蠻刁幹孟叛逐宣慰使思倫倫奔愬京
師詔沐春爲將軍何福徐凱爲左右副往討之

三十一年二月刁幹孟請入貢

五月沐春進丘擊平緬先以兵送思倫於金齒使
人諭刁幹孟不從乃遣何福等直擣南甸破景

罕寨復擊崆峒寨幹孟乞降上以其友復不許
何福擒斬之思倫始得還平緬悉定

成祖永樂元年正月建文帝至雲南永嘉寺

車里酋刁暹荅入寇劫威遠州知州西平侯沐晟
請討之上命先行撫諭暹荅悔懼歸州官貢方
物謝罪釋之

三年征八百大甸

遣官諭西南彝大小古刺等部落皆內屬置宣慰
司一長官司五

雲南通志

卷之三

沿革大事考

四十一

六年命沐晟征安南降其郡四十有八進晟黔國
公世襲

九年始置雲南監察御史詔雲南布政司開科

宣宗宣德七年八百大甸宣慰使刁之雅入貢請
討波勒降勅諭之

英宗正統二年他郎甸蠻爲梗都督沐昂討平之
十月麓川酋思任反任思倫次子也明初思倫叛
沐英招之內附奏爲宣慰司宣德時與木邦仇
殺因失官以孟養刁氏代至思任因刁實玉勢

弱遂據麓川侵孟定灣甸等處命沐晟遣官招之不奉詔

三年十二月思任掠騰衝南甸取孟養地刁賓玉奔永昌死思任遂屠騰衝據潞江事聞遣刑部主事楊寧往諭不服

四年正月詔沐晟率沐昂方政往討思任兵至潞江任請降晟信之楊寧曰兵未加而降詐也懼有後悔晟不聽深入伏發方政力戰死晟回至楚雄飲藥卒五月以沐昂爲征南將軍右都督

雲南通志

卷之三

沿革大事考

四十二

吳亮副之馬翔張榮爲左右叅將進討捷於潞江

五年始置巡撫雲南都御史

二月沐昂軍抵隴把張榮違昂節制大敗而遁詔切責昂逮吳亮馬翔

七月思任屯孟羅據者章硬寨沐昂進敗之

六年思任遣使謝罪太監王振議討大學士楊士奇謂遠蠻不足較宜爲耕守計振執不可侍讀劉球亦諫不聽命定西伯將貴爲征蠻將軍兵

部尚書王驥提督軍務太監曹吉祥監軍侍郎
徐晞督餉楊寧等贊畫率兵十五萬往征十一
月軍進金齒分三道抵上江斬首數萬大破於
沙木籠山又破其象陣於馬鞍山思任走緬子
思機匿孟養驥移討之時維摩州土蠻韋郎羅
作亂逃入安南驥檄之斬首以獻

七年三月班師論功封蔣貴定西侯王驥靖遠伯
餘陞賞有差既而思任復亂冬十月命驥等再
征

雲南通志

卷之三

沿革大事攷

四十三

八年二月王驥至金齒分兵進擣麓川檄緬獻思
任父子使還言緬願獻欲得重臣往取郭登請
行入緬卜刺浪來會頗驕蹇登折之乃聽命登
回其相緬刺劊以舟載思任來獻會有嫉登功
者議畱守沙壩刺劊至不見登遂不敢獻驥聽
裨將陳儀言密令貴擊之刺劊竟持思任去貴
子雄追之兵敗自刎東路兵克孟養諸寨思機
亦逃驥還仍以捷聞

九年叅贊楊寧巡撫雲南遣使許緬以孟養地易

思任卜刺浪喜乃函首來獻時刁賓玉已死因以卜刺浪長子銀起莽爲孟養宣撫思任二子思機思尚潛居孟養

十年十月築騰衝城

十一年改麓川爲隴川設宣慰司於隴把以舊彝目恭項爲宣撫勅赦思機等罪令其來朝不至十二年十月思機思尚據孟養叛

十三年復以王驥督軍務征麓川大破之踰孟養至孟那而還思機思尚竟失所在彝衆復立思

雲南通志

卷之三

沿革大事考

四十四

任幼子思洪爲主來言願奉思氏永當差發許之班師河西縣學教諭詹英劾驥老師費財濫行爵賞

憲宗成化十二年八月巡撫王恕奏置臨元瀾滄金騰曲靖四道以飭戎

十三年王恕劾奏雲南鎮守太監錢能贖貨求媾進黃鸚鵡等事乞禁各處一切玩好

十四年罷尋甸廣西土官知府立流官

十五年御史許進劾錢能誅求繁擾交人不靖乞

逮治不從

十九年命御史程宗撫慰木邦立孟密安撫司

孝宗弘治二年城趙州

七年置賓川州城大羅衛

十八年勅刑部侍郎樊瑩旅雲南山川考察文武

官罷黜一千二百餘員爲征麓川濫受者

武宗正德二年雲南屬彝阿本叛巡撫吳文度討
平之

七年十八寨彝人出降巡撫洪遠安撫之

雲南通志

卷之三

沿革大事考

四十五

十五年巡撫何孟春疏復永昌府治從之

世宗嘉靖元年改金齒指揮使司爲永昌軍民府

仍置永昌衛改騰衝指揮使司爲騰越州仍置

騰衝衛

二年添設大理府督捕通判住白崖

七年武定尋甸土酋友初仁德府土官安洋安迺

屢亂降爲馬頭改尋甸設流官至是知府馬性

魯因徵糧裸撻安銓妻子仍繫於獄銓遂結武

定蠻鳳朝文叛陷尋甸武定殺官十三人連兵

二萬焚掠會城命兵部尚書伍文定討之未至
援師已集斬朝文與銓文定還

九年十一月大學士張璉請革雲南鎮守內臣從
之

十七年勅雲南鎮巡會討安南

二十三年添設姚安府督捕通判駐赤石崖

始分雲貴鄉試定雲南解額四十人

二十四年城鶴慶

三十年元江土酋那鑑叛巡撫石簡督兵討之鑑

雲南通志

卷之三

沿革大事考

四十六

詐降布政徐樾往諭被害黔國公沐朝弼率兵
以攻鑑敗自殺

四十四年武定土酋鳳繼祖叛巡撫呂光洵進剿
兵備僉事張澤戰敗被執光洵合師急攻賊勢
窮挾澤求撫不許澤死之官兵追至七州地界
繼祖爲其下所殺餘黨悉降

穆宗隆慶元年設武定流官改治立禦建學築城

二年築嵩明州城

三年添設鄧川州流官知州

五年築澂江廣西二府城

神宗萬曆元年大姚鐵索箐臨安毋獫狁等蠻屢叛
巡撫鄒應龍平之

三年築晉寧州城

五年廣南儂酋叛巡撫王凝會黔國公沐昌祚撫
定之

緬酋莽瑞體結隴川諸蠻作亂先是莽紀歲嘉靖
時爲孟養所殺其子瑞體奔洞吾母家因有其
地吞併隣境招隴川多士寧叛士寧不從養

雲南通志

卷之三

沿革大事考

四十七

子岳鳳弒士寧以應之士寧妻罕氏懷印攜二
子多忠多孝奔永昌當事不能救令歸鳳盡殺
之遂據隴川瑞體遣子應裏喇鮪分戍隴干自
攻迤西土官思箇告急副使羅汝芳調漢土兵
合擊之緬兵敗岳鳳導之遁去

七年莽瑞體復侵迤西思箇被殺

十年十月岳鳳破干崖時莽瑞體死子應裏嗣鳳
執遮放頭目刀落思送應裏遂入姚關

十一年正月賊焚掠施甸攻順寧破猛淋寨殺指

揮千戶六人千崖蓋達雷弄等處皆陷巡撫劉世曾巡按董裕會疏請兵以叅將劉綎鄧子龍提兵出剿應裡會孟養孟密蠻莫隴川車里八百等衆犯姚關子龍大破之於攀枝花劉綎出隴川抵阿瓦諸頭目皆降初綎以岳鳳有心計令招諸彝許不死故猛哈思化等俱殺緬使降諸彝踵至當事不知逼綎擒鳳及其子曩烏獻俘京師諸酋復叛

十五年羅雄酋者繼榮叛劉世曾沐昌祚斬之改

雲南通志

卷之三

沿革大事考

四十八

羅雄爲羅平州後繼榮黨董仲文復叛官兵剿平之

莽應裏復陷密堵送速二城迤西土官思威思化思順以兵復之按察使李材遊擊劉天俸助兵斬千餘級劉世曾以捷聞陞材右僉都御史巡撫鄖陽巡按御史蘓鄴疏論迤西功多僇屍抵級下李材劉天俸獄削劉世曾籍

十六年四月永昌姚營兵鼓躁索餉劫同知爲質抄掠抵省巡撫蕭彥伏兵楊林要擊之殲其魁

餘黨平

十九年莽應裡破猛拱猛廣又圍蠻莫鄧子龍率兵剿退又攻迤西思化等奔等練山鄧子龍擊敗之

丁苴白改彝普應春撫鎮吳定沐昌祚討平之請設新平縣

改新化州隸臨安府

二十一年十二月莽應裏分道入犯思順奔猛卯巡撫陳用賓至永昌遣將王一麟盧承爵等合

雲南通志

卷之三

沿革大事考

四十九

剿多所斬獲募閩人黃襲使暹羅王得楞令其襲緬又計斬土酋多掩緬失所恃乃退歸

築八關二堡於三宣要害戍緬並議屯田

三十四年猛卯酋多亨勾緬搆亂陳用賓檄木邦罕欽滅之築平麓城議屯田

二十五年二月順寧土酋猛廷瑞與大候土酋奉赦搆殺陳用賓檄叅政李先著同副使邵以仁勘之先著以廷瑞無友情力主撫議以仁襲執廷瑞請設順寧流官改大候爲雲州用賓奏先

著受廷瑞賂逮繫死於獄

二十六年諸蠻俱絕緬入貢緬人復侵思轟各土
司擊之潰歸

九月順大餘蘖歪轟猛思賢等叛陳用賓討平之
奏以順寧府改隸金騰道

二十八年命雲南撫鎮協討播曾楊應龍陳用賓
駐曲靖黔國公沐叡駐霑益遣叅將謝崇爵等
至烏江與賊戰勝之賊兵陡至敗回橋折全軍
皆沒總督李化龍以賜劔斬崇爵

雲南通志

卷之三

沿革大事考

五十

三十年六月築順寧右甸城

九月建雲龍州城

三十二年緬攻猛密徵兵思轟叅將王廷光止轟
勿發轟從之縛獻其使緬怒攻轟轟死都司王
萬年救之不及酋長思華據其地

三十三年陳用賓遣副將陳宙擒緬目多罕復蠻
莫界

三十四年正月指揮賀世勲韓光大等殺鎮守太
監楊榮初榮在滇貪錢不法世勲等因衆怒殺

之焚其府殲黨百餘人事聞上震怒不食太后力解僅罪其首世勲下獄死光大戍邊

三十五年十一月武定彝阿克率鄭舉友先是知府陳典貪墨無厭屢囚舉索賂舉不能堪乃糾阿克等破府城殺指揮金守仁千戶王應爵並男婦四五十餘人千戶梅應時黃桂金策高力戰而死

十二月阿克鄭舉擁推官白明通以兵隨其後直抵會城竟無一卒迎戰明通至城下請以冠帶

雲南通志

卷之三

沿革大事考

五十一

印信給賊不許明日賊大肆劫掠沿村焚殺一空時武定守先在會城賊索其印甚急許之乃去又明日復來撫鎮皆不得已以印縋城予賊熟視上馬即日拔營而歸

尋甸彝目大理保楊禮召補彝婦海冲等叛破嵩明州賊進逼楊林都司汪如淵率祿崇功李鳳兵以救賊退巡按周懋相檄副使羅希益合兵進剿天敗保等於尋甸

三十六年正月左布政使彭應時叅政楊俊臣副

使陳綯都司范繼斌遊擊段宸率兵分剿阿克
鄭舉等是月賊破祿豐知縣蘓夢暘率民兵力
戰死之

六月諸路合兵剿賊阿克等奔東川官兵壓其境
土司祿哲縛克舉以獻陣擒楊禮海冲獲各府
州所印俘阿克等九名於京致仕黔國公沐昌
祚疏論失事狀詔侵其子叡詔逮叡及陳用賓
都司張名世武定知府陳典推官白明通祿勸
知州黃榜元謀知縣毛文彩俱下獄論死

雲南通志

卷之三

沿革大事考

五十二

三十八年隴川宣撫多安民叛入緬巡撫周嘉謨
檄兵備黃文炳追斬之隴川平立其弟安靖
四十年十月建馬龍州及祿豐縣磚城

四十一年水西霑益蠻以讎搆兵二月安堯臣率
兵入霑益逼安紹慶殺傷甚衆周嘉謨具題行
兩省會問

四十二年巡按御史毛堪疏辯李先著冤誣請昭
雪不報

四十三年建水土酋刀春琪勾交兵入犯土舍沙

源堵截勝之斬其僞侯伯三人

十二月建鎮南州及蒙自縣磚城

四十八年雲龍州土酋段進忠殺姪段嘉龍謀襲其職巡撫沈儆烝檄兵備熊鳴岐擒斬之奏改流官

戶部以遼餉不支兵部馬價工部器械不足復增本省地畝銀共一萬六千一百六十四兩

熹宗天啓元年九月四川永寧土酋奢崇明奢寅貴州土舍安邦彥相繼友十月沈儆烝調兵赴

雲南通志

卷之三

沿革大事考

五十三

援十二月師次安莊衛官軍陷沒都司李天常等死之

二年正月遣都司楊明廷統兵三千援蜀師次畢節會烏撒土酋安効良助逆伏兵阻截明廷兵潰與中軍程坤死之

二月霑益土婦設科惡目補鮓李賢武定彝目張世臣等糾東川土寇祿千鍾祿阿伽叛陷亦佐平彝霑益諸城沈儆烝以便宜起用原任叅將袁善李思忠分剿以守備金爲貴土舍沙源爲

前鋒大破賊衆設科復攻嵩明陸涼張世臣復
攻武善敗之設科等焚劫陸涼知州郭
俊義戰敗死

四月遣叅將尹啓易守備李加培周嘉映自交水
督兵進霑益安良統水西烏撒兵拒戰加培
嘉映敗績死之

三年正月補鮒安應龍攻破阿邦等寨復攻羅平
師宗巡撫閔洪學分遣袁善施翰李思忠沙源
及元謀土舍吾必奎等漸次恢復四月師還除

雲南通志

卷之三

沿章大事考

五十四

羅平苛政七十二款

五月建交水城移平彝右所官軍守之是月水西
普安賊兵攻平彝守將袁擊敗之遁去

改安寧提舉司爲琅井提舉司駐琅井安寧鹽課
附州徵解

十一月兵備叅議王英叅將尹啓易以計擒設科
李賢請旨正法

四年七月檄武舉官李瑗率兵襲張世臣於他頗
斬之獲其妻子武尋平

八月新化新平賊首魯魁魯克等伏深箐劫掠地方閔洪學檄分守副使胡其慥遊擊劉崇禮搜捕俘斬餘黨悉降立十二哨于其地戍之

五年三月安効良復叛先是吾必奎恢復炎方松林等站蜀道復通安効良縛安應龍以獻又獻烏撒衛所各印勞其使而歸之行至曲靖被殺効良忿甚遂糾水藺二酋入犯袁善督沙源力戰勝之吾必奎堅守炎方以老賊衆善乘勝間出與必奎內外夾擊大敗之賊遁

雲南通志

卷之三

沿革大事考

五十五

五月安効良復糾水西入寇閔洪學檄布政使謝存仁及袁善等大敗之於馬龍州土賊竜戈資導賊潛遁善等募東川蠻縛斬戈資安邦彥等就撫

崇禎三年黔國公沐天波巡撫王伉巡按甘學濶屯兵曲靖剿安効良設科餘黨雞世昌平之冬阿迷州土酋會名聲友初名聲隨御史傅宗龍援黔宗龍蓄之於家時巡按余城與黔國公沐啓元構隙陰借名聲爲衛名聲遂生覬覦適啓

元暴卒名聲乃歸巡撫王伉惡之後寧州祿土官與名聲互訐人傳伉欲剿名聲名聲懼乃詐爲祿土官家人訴名聲於伉以覘虛實伉果有卽討之言名聲遂友

四年王伉統滇黔蜀土司吾必奎等屯兵臨安以討名聲不克遣名聲故交莊承差往諭名聲畱之佯使入告急且密語左右曰官兵四至皆不足慮但從某箐入甚爲可憂莊得名聲語歸告伉伉不知爲計遂遣叅議周世昌將官朱永吉

雲南通志

卷之三

沿革大事考

五十六

往攻某菁伏發全師皆陷世昌永吉力戰死名聲犯臨安參將溫如珍却之事聞逮王伉及巡按趙洪範

五年普名聲死初名聲叛其兵頭何天衢不從反正自効屢挫名聲兵名聲懼制其後不敢大肆移兵攻天衢名聲中砲死其妻萬氏擁衆據阿迷州復攻天衢天衢無援食盡舉家自焚死萬氏益猖獗

六年巡按姜思睿議撫萬氏所遣輒被殺廣西知

府張繼孟單騎入賊營諭以利害萬氏遂降

本朝

世祖章皇帝順治元年甲申

元年雖無事以定鼎改元之始用春王正月之

義大書之

二年乙酉秋九月吾必奎反初黔府家人阮呈麟用事頗稱練達善待諸彝故數年安靜及天波用劣生于錫朋等殺呈麟盡逐阮氏又遣叅將李大會川以防流寇大贊數侵擾諸彝必奎不能堪遂友天波調各寨土官祿命沙定洲等同大贊進剿定洲不至大贊等進兵必奎自殺元謀平

雲南通志

卷之三

沿革大事考

五十七

十二月朔土酋沙定洲反定洲沙源次子也普名聲死萬氏納其兄定海从乃厭而殺之復納定洲勢益强悍及吾必奎友天波調定洲赴剿逗畱不至必奎平定洲始入檄止之不聽遂進屯省城厚賂于錫朋為奧援陰結掌印都司徐廷珍叅將張國用都司僉書阮韻嘉袁士弘等為內應是日託言辭歸竟襲天波劫巡撫吳兆元

時變起倉卒天波出登西城樓謀西奔調兵討賊武舉陳大經力阻之天波疑其黨賊手刃而去時祿永命在省與賊力戰不克士民爭擁太夫人陳氏至朝陽庵夫人焦氏至金井庵避賊頃之聞天波赴安寧士民欲兩夫人往焦氏曰我婦人義不可辱何如先死使公一意殺賊則死愈於生乃遣三子從天波後遂自焚時一女尙幼焦氏抱同死陳氏聞焦氏死大喜亦自焚天波奔楚雄

三年丙戌沐天波疾馳楚雄守禦未備沙定洲追及時洱海道副使楊畏知有才略適在楚雄率推官王克昌及紳士悉力防守定洲圍數月日攻數次不能近乃遣其黨王朔李日芳陷蒙化大理天波檄麗江土官木懿以兵援之不克而還定洲又遣賊圍武定推官陶光印固守攻四十餘日乃去

四年丁亥沙定洲忿楚雄不下更率賊衆來攻畏知多方調度屢挫賊鋒城中士民皆激於義男

子晝夜拒守婦人饋餉運石賊終不能近乃鑿濠三重困八十餘日糧盡援絕幾不守天波畏知以死自誓士民亦無離志閤城擬自焚無何賊聞流寇將入滇撤精銳五千往援曲靖圍稍解天波畏知追之不及

四月流寇孫可望李定國劉文秀艾能奇等入滇沙定洲遁走初張獻忠死餘黨可望等入貴州聞定洲據滇詐稱援黔國兵屠平彝交水曲靖知府宋文旦知縣陳六奇死之執巡按羅國巘

雲南通志

卷之三

沿革大事考

五十九

聲言欲搗定洲巢分兵出蛇花口定洲於十九日殺故詹事府正詹王錫袞於貢院焚南城樓遁走臨安滇民憤擒逆黨阮韻嘉等送天波磔之可望知定洲走卽由宜良趨省追各官印僞設四城督捕鑄大順錢

孫可望據雲南欲收民望強明宗室部院朱壽鏐官不屈殺之臨死作絕命詞神色不變時羅國巘聞壽鏐死亦自焚

五月劉文秀屠武定李定國攻沙定洲黨湯嘉實

等於臨安屠其城回至晉寧鄉民拒之復屠晉寧及昆陽

八月孫可望兵逼迤西副使楊畏知拒戰於祿豐之獅子口兵敗被執不屈可望僞以恢復之言慰留之乃與可望盟時天波走永昌可望至大理招天波且索永昌道府印通判劉廷標推官王運開自縊死執運開弟舉人運閔欲強以官運閔不屈亦自沉於潞江劉文秀執天波歸天波仍佩舊印

雲南通志

卷之三

沿革大事考

六十

五年戊子五月艾能奇死

八月李定國攻破佯革竜禽沙定洲萬氏湯嘉賓等械赴雲南十月磔之於市誅其黨數百人

六年己丑二月孫可望以無名爵難以號召滇黔聞明部院何騰蛟瞿式耜等擁桂王子由糧僞稱永曆年號於粵西遂遣僞戶部龔彝詣求封爵以群議不決彝潛歸

六月姚安舉人席上珍起義兵討可望被執不屈可望磔之闔家自溺死

七年庚寅七月永曆將陳邦傳與孫可望潛通因其請封私填空勅差胡執恭封可望爲秦王令其設行臺六部永曆不知也

八年辛卯二月孫可望差僞總兵常榮詣永曆眞彌泰王始大駭嚴起恒等共議改爲冀王屢遣人往諭悉陰殺之白稱國主李定國等素與可望不和至是愈怨憤

三月孫可望遣僞將軍賀九儀至粵西託言入衛殺嚴起恒張載逐劉堯珍吳霖以其抗論改封

雲南通志

卷之三

沿革大事考

六十一

冀王也永曆懼仍封可望爲秦王

五月孫可望遣楊畏知詣永曆畱爲內閣畏知上疏自劾又語忤賀九儀九儀讚於可望執畏知回黔畏知大罵可望求速死遂遇害

九年壬辰二月我師取廣西永曆奔廣南可望安置於安龍所相待無人臣禮僞知府范應旭署其簿口皇帝一員后妃幾口月支糧若干

九月永曆御史李如月以可望擅殺勲爵疏劾之可望怒遣人殺如月於安籠如月東莞人臨死

罵不絕口甚慘烈

十一年甲午永曆從臣吳貞毓張鐫周允吉楊鍾
徐極蔣乾昌李元開李頒朱議彙鄭久元趙賡
禹蔡縝易士佳胡士瑞朱東旦升斗墟及內宦
張福祿全爲國等十八人見可望所謀不測欲
潛通定國以圖可望時定國在粵西不能旦夕
相援可望知之遣人拷鞠貞毓等同聲不屈可
望悉磔之臨死俱有詩及絕命詞

十三年丙申正月李定國由廣西回孫可望知之
雲南通志
卷之三
沿革大事考
六十二
遣其將白文選欲先挾永曆入黔文選至安籠
謁永曆見其丰儀股栗汗下不敢逼之速行適
定國至遂同送永曆入滇尋使文選招諭可望
可望不從欲殺文選旣而釋之

十四年丁酉孫可望自貴州舉兵入滇以白文選
爲總統九月李定國劉文秀逆於曲靖之三岔
口文選夜率其本部降定國可望大驚欲回兵
諸賊將力爭乃止可望遂密遣馬寶武大定張
勝由尋甸間道襲省城潛通其心腹王尙禮爲

內應自領重兵與定國相持可望將焉進忠以
其事密報定國定國與文選疾擊之可望大敗
走時馬寶武大定亦密受永曆劄給張勝不由
間道友出楊林至則舉火省城及曲靖皆知悉
嚴兵以待勝至省城絕內應又聞可望敗歸遂
焚掠而逃至赤水鵬遇定國回張勝戰敗被擒
磔之於市馬寶等同入滇文秀率兵追可望

十月孫可望敗回貴州馮雙禮詐稱追兵已至可
望倉皇出走至長沙乞降於經畧閣部洪承疇

雲南通志

卷之三

沿革大事考

六十三

詔封義王明年劉文秀死

十五年戊戌

世祖章皇帝命安遠靖寇大將軍信郡王鐸尼由貴
州征南將軍固山趙布太由廣西平西王吳三
桂定西侯墨勒根下都統李國翰由四川三路
取滇李定國白文選等連營於安籠所七星關
鷄公背扼險據守我師自水西潛度七星關繞
其後定國等潰敗同永曆走迤西其工部尙書
王應龍父子從永曆不及自縊於永昌

十二月我師三路會於曲靖迤東各郡皆歸附
十六年己亥正月朔大師抵雲南二月兵進迤西
追殺王國勲於普湖又敗白文選於玉龍關獲
其象馬傘印永曆至騰越州李定國復集兵於
磨盤石樹柵扼險死拒我師趙布太吳三桂力
戰破之李定國走孟艮永曆入緬甸白文選走
猛緬遂克騰越州

三月僞將狄三品艾承業張明志丁友才等投誠
擒僞慶陽王馮雙禮來獻奉

雲南通志

卷之三

沿革大事考

六十四

旨優叙三品等

赦雙禮死赴京安置

六月

命洪承疇至滇南議進緬機宜招撫流民並設總督
巡撫布政按察等衙門僞將王會楊威等率屬
歸附景東蒙化麗江姚安北勝蘭州姚州鎮南
順州雲南縣鶴慶定遠廣通楚雄永平劍川黑
鹽井南甸干崖隴川猛緬潞江鎮沅霑益元謀
并四川烏撒東川烏蒙鎮雄等土司悉後先歸

附

九月元江十酋那嵩僞總兵許名臣暗通李定國
叛鐸尼吳三桂討平之并獲沐天波之子忠顯
十月僞將李如碧高啓隆馬惟興馬寶吳子聖廖
魚郝承裔楊武楊國明等悉降
十七年庚子正月

命吳三桂爲總官移鎮雲南三桂疏乞沐氏勲莊

二月西番大寶法王因構爭被逐移居麗江中甸
遣喇嘛由雲南通路求入貢

雲南通志

卷之三

沿革大事考

六十五

三月吳三桂請准土司世襲以蒙化左星海景東
陶斗永寧阿鎮麟麗江木懿鎮沅刁允中仍土
知府蒙化景東永寧設流官同知掌印南甸刁
呈祥隴川多紹寧干崖刁建勲蓋達刁思韜仍
襲宣撫耿馬罕悶𠵼仍襲安撫鎮康刁悶達灣
甸景文智威遠刁漢臣仍襲土知府猛緬奉國
珍爲長官司悉給印劄世襲

四月吳三桂請設忠勇五鎮總兵以投誠馬寶李
如碧高起隆劉之復塔新策五人充之又設義

勇五鎮總兵以投誠王會劉偁馬惟興吳子聖
楊威五人充之

五月置沅江府流官並設元江副將

十月吳三桂請設援剿四鎮總兵以四川左路總
兵馬寧右路總兵沈應時湖廣益陽總兵王輔
臣投誠楊武充之又以經畧左標提督張勇充
臨元鎮湖廣左路都督張國柱充順鎮中路
總兵閻鎮充大鶴麗永鎮火器總兵王永祚充
蒙景楚姚鎮投誠狄三品充廣羅鎮祁陽總兵
雲南通志

卷之三

沿革大事考

六十六

陳德充曲尋武霑鎮悉帶原兵畱鎮并設騰越
北勝副將順雲叅將奉化遊擊龍川江遊擊尋
霑遊擊

詔許之

車里宣慰司刁木禱投誠給印世襲是月僞將祁
三昇降

十八年辛丑正月李定國攻緬甸緬酋請救吳三
桂發永昌騰越等處防邊兵馬遙應之

三月

今上登極

四月張錡尹士鑣梅阿四等謀叛伏誅

五月定西將軍愛星阿公至滇大兵凱旋

援剿後鎮總兵楊武以罪免

詔祁三昇代之

八月

詔補雲南庚子科鄉試

編遺漏錢糧寧州土官祿昌賢養兵莊糧歸寧州

曲靖府安置土官恭默歸霑益州姚安府鐵索

雲南通志

卷之三

沿革大事考

六十七

營土軍田租歸洱海衛尋甸四十八哨蕎糧歸

尋甸州臨安府納樓司五畝地方歸建水州又

編衛所職田每畝三斗照軍糧起科并編衛所

軍舍丁差

十月以普洱地方半歸車里半屬元江並編普洱

思茅普騰茶山猛養猛煖猛捧猛膈整歇猛萬

上猛烏下猛烏整董等十三處隸元江府及編

枯木八寨牛羊新縣李日芳李大用等四處隸

蒙自縣

蒙古吐蕃于都台吉達賴喇嘛求通互市吳三桂
覆議開市於北勝州

十一月安南將軍卓羅鎮雲南愛星阿公吳三桂
領滿漢兵入緬追永曆師至木邦分兵追自文
選於茶山降之並降其黨萬人

康熙元年壬寅正月師次緬緬酋殺永曆宗室吉
王松滋王瑞昌王及沐天波等數百人遂獻永
曆是月愛星阿等還滇

四月官兵厄兒特洒出等謀叛伏誅

雲南通志

卷之三

沿革大事考

六十八

愛星阿等議送永曆至京吳三桂奏以道遠不便
縊永曆及其子於昆明家屬送京

五月吳三桂報定元江府新編錢糧并加雲南鹽
課銀十萬九千六十三兩

以雲貴總督駐劄曲靖雲南提督駐鎮大理
安插投誠土官那崙於臨安墾荒

八月李定國死於景線其將馬思良胡順都王道
亨以李定國子嗣興及劉文秀子震來降衆悉
平愛星阿公等斑師

九月議賞緬甸功吳三桂奏罷之並許南甸干崖隴川猛卯遮放芒市等土司世襲

十一月加吳三桂親王

十二月裁鎮姚鎮安右甸三守禦所官

二年癸卯准姚安府土官高翮映世襲土同知

三年甲辰吳三桂請討水西土酋安坤安如鼎等

兵次水西坤等負固久不下三桂計擒如鼎並

執皮熊熊不食死坤走烏蒙烏撒屢攻擒之斬

於市明年水西等處悉平請置郡縣

雲南通志

卷之三

沿革大事考

六十九

二月准廣南府富州土官承襲

四年乙巳春正月裁雲南忠勇義勇四營官兵及

順雲奉化二協尋以忠勇三營改鎮貴州

三月迤東土酋寧州祿昌賢新興王耀祖嶧峨祿

益王揚祖王弄王朔蒙自李日森李世藩李世

屏八寨李成林糾合納樓普率教化張長壽枯

木龍元慶倘甸葉向陽葉正昌石屏龍韜龍飛

揚路南秦祖根陸涼資洪彌勒昂復祖維摩沈

應麟沈兆麟王承祖王義王先任王先倫等謀

叛衆至數萬攻臨安陷蒙自嶧峨寧州易門圖
彌勒通海石屏宜良等州縣各郡震動總督卞
三元巡撫袁懋功提督張國柱發兵討之吳三
桂自水西遣王輔臣援彌勒趙得勝援石屏賊
遁
四月吳三桂自烏蒙回師次第剿嶧峨新興易門
等賊

七月卞三元張國柱吳三桂分剿蒙自新興丘北
等處克之擒王耀祖祿昌賢王朔張長壽李成
雲南通志
卷之三
沿革大事考
七十
林李世藩李日森沈應麟龍元慶儂得功悉誅
之

詔撫其餘黨李世屏普率勢窮來降悉寬其死十一
月迤東土酋悉平

八月吳三桂以藩下家口甚衆食鹽不足議每月
增煮黑井鹽十二萬五千斤加課二千兩

五年丙午二月

詔免迤東被賊州縣新荒錢糧

阿迷州土官李阿則遣其子李思敬援臨安有功

淮世襲土知州

三月裁新化州歸新平縣

五月裁府判州同州判縣丞照磨知事檢校巡檢司獄倉大使及偏僻驛丞等冗員一百四十五員又裁操捕都司及中屯定雄鳳梧安寧宜良通海鶴慶永平定遠易門守禦千總歸同城州縣管理並裁曲靖越州蒙化永昌楚雄洱海大羅景東衛屬千總

七月以北勝州隸大理府

雲南通志

卷之三

沿革大事考

七十一

八月蒙古開六台吉烏斯藏達賴喇嘛犯麗江永寧北勝邊境

六年丁未二月以教化王弄等土司地置開化府設流官建儒學併忠勇中左二營爲開化鎮閏四月圈撥近省州縣衛所給吳三桂兵丁口糧并裁曲靖陸涼越州蒙化臨安洱海大羅楚雄等衛守備經歷

八月家古侵擾麗江府屬中甸地西番二寶法王哈馬臨清格丁等爭家來奔

七年戊申四月改鶴麗永北鎮爲永北協併義勇
前左二營爲鶴麗鎮以防蒙古改義勇右營爲
新嶧營設叅將

八年己酉改尋甸府爲州隸曲靖府裁順州歸化
陽宗亦佐維摩三泊磔嘉七州縣歸併近府州
縣

九年庚戌以在省中左右前後廣南六衛歸都使
司

十二年癸廿十一月吳三桂反初三桂收畜亡命

雲南通志

卷之三

沿革大事考

七十二

久謀不軌適

命搬移家口逆黨胡國柱吳應期吳國貴夏國相郭
壯圖衛璞方光琛方學範等密畫於內馬寶力
贊於外張國柱高起隆王屏藩等應之殺巡撫
朱國治按察使李興元不屈械繫於獄雲南知
府高顯辰同知劉崑皆被杖安置復潛通貴州
提督李本浹爲接應雲貴總督甘文焜知勢不
可爲思趨守鎮遠扼賊咽喉以徵調援兵力圖
恢復比至鎮遠而副將姜義先已從賊文焜父

子及筆帖式何善雅兒皆死之三桂遂使吳國
貴爲前鋒徑寇辰沅至荆江使王屏藩由蜀寇
漢中夏國相寇江西又糾廣西孫延齡馬雄廣
東尚之信福建耿精忠同反數省騷動

上命滿漢大兵討之賊不敢渡江湖南四川兩廣次
第克復三桂屯兵湖南搜括糧餉滇民困憊引
領以望我師

十六年丁巳吳三桂求援於蒙古割麗江江內喇
普地賂之

雲南通志

卷之三

沿革大事考

七十三

十七年戊午吳三桂死於衡州

十八年己未吳三桂下海朝龍起兵鶴慶田進學
起兵永昌反正討賊不克朝龍敗由吐蕃走京
師進學死

十九年庚申大師取貴州先是郭壯圖等因吳三
桂死擁其孫世璠進屯貴州以拒我師及定遠
平寇大將軍固山貝子章泰統征南將軍穆占
鑲藍旗叅贊都統喇賽正白旗噶喇昂邦薩克
查巴圖魯正藍旗都統釋加保正黃旗先鋒統

領陝納海鑲自旗副都統蟒紀錄正黃旗副都
統陶代鑲紅旗副都統花色正藍旗副都統公
圖正白旗副都統宜思孝正藍旗副都統官保
鑲黃旗內閣學士**兼**禮部侍郎薩海署副都統
盧崇峻綏遠將軍湖廣總督蔡毓榮江西總督
董衛國建義將軍林興珠貴州提督趙賴山西
提督周卜世等滿漢官兵由湖廣克辰龍關楓
木嶺取鎮遠清平破僞將軍韓天福於平越十
一月世璠遁回雲南

二十年辛酉正月我師克盤江吳世璠遣僞將軍
線絨屯兵江西坡扼險以待章泰大敗之賊分
兵據黃草壩征南大將軍賴塔統止藍旗叅替
都統勒貝正紅旗叅贊都統希福鑲白旗叅替
都統馬齊鑲紅旗叅贊都統趙璉鑲藍旗護軍
統領額黑里鑲紅旗副都統洪實錄鑾白旗副
都統祖植椿兩廣總督金光祖福州將軍馬九
玉滿漢兵由泗城州奪石門坎拔安籠所繞出
賊後大破之

二月賴塔至曲靖秋毫無擾市肆不驚全城歸附
線緘始遁章泰遂會師於曲靖十九日師抵雲
南吳世璠遣郭壯圖悉精銳迎戰我師夾攻大
破於呼馬山下賊嬰城拒守我師圍之時人民
驚匿官職未設滿漢兵數十萬至滇糧糗無所
資各將軍總督以軍中懸釜待炊爲慮布政司
王繼文向巡撫伊闢等力請開誠遍諭安集流
移動餉召買以慰兵民遂借領粵餉買給丘糧
復善撫投誠招集逃亡其無家可歸之民安插
雲南通志

卷之三

沿革大事考

七十五

於古庭庵歸化寺左右萬姓踴躍歡呼晝夜輓
運更就軍壘所近之地置倉屯糧我兵賴無匱
乏會巡撫伊闢勞瘁成疾卒於軍督師大臣交
疏保題至六月

上命王繼文爲巡撫郎中田啓光爲布政

上命學士佛倫侍郎金鉉等馳至軍中總理糧儲

四月馬寶自遵義由尋甸奔楚雄都統希福雲南
提督桑格迎戰於呂合馬寶就擒時胡國柱王
緒王公良李匡等復合潰衆於迤西夏國相高

起隆廖進忠王永清等潛聚於廣南我師分討之胡國柱王緒李匡自殺擒高起隆等俘馬寶夏國相於京餘悉磔於市迤西廣南平

詔免雲南二十年分夏稅

八月宣威將軍紀哈里同副都統希福覺羅西布勇畧將軍雲貴總督趙良棟由建昌渡金沙江鎮安將軍都統噶爾漢護軍統領佟雅副都統得爾德翁艾署副都統張長庚由永寧會師於雲南

雲南通志

卷之三

沿革大事考

七十六

十月初八日我師移營逼城大將軍賴塔進兵銀錠山總督蔡毓榮奪重關及太平橋都統穆占總督趙良棟巡撫王繼文奪玉皇閣遂至東西寺固山貝子章泰策應賊悉力拒守巡撫王繼文秘書遣人自鶴慶北勝運紅衣炮至銀錠山書夜攻打賊大懼章泰等共體

皇上剿撫並用之命布書告示射入城中令其獻城賊有離心

二十二日賊黨余從龍吳成鰲出降悉知城中虛

實總督趙棟巡撫王繼文親冒矢石領兵攻得勝橋總督蔡毓榮攻大東門將軍林興珠攻草海大將軍賴塔攻銀錠山並分兵攻近華浦四面逼城復遣余從龍入城招撫

二十八日城中賊亂線緘等擁兵入郭壯圖家先殺壯圖心腹郭得勝壯圖及其子宗汾舉火自刎世璠亦自殺線緘吳國柱吳世基何進忠黃明等開城出降城下之日兵不血刃隨磔方光琛方學範於市斬世璠壯圖首級並戮吳三桂雲南通志

屍俱函送京師先是城中賊糧久匱餓殍載道遺骨盈衢至是巡撫王繼文捐俸掩埋並奏明賑濟饑民

三十日固山貝子章泰遣都統穆占馬齊入城大兵分守各門將吳世璠等逆產物籍數以

聞

二十一年壬戌以綏遠將軍蔡毓榮總督雲貴

命勇畧將軍趙良棟回京定遠平寇大將軍固山貝子章泰征南大將軍賴塔滿兵暨楚粵山陝各

路漢兵陸續凱旋

命馬齊爲鎮安將軍同護軍統領佟雅副都統得爾德副都統希福留鎮雲南並設曲尋臨元開化楚姚鶴麗永順等六鎮總兵又設雲南元江廣羅騰越劔川永北尋霑武定廣南洱海順雲新嶧十二協營

詳兵制

詔移吳逆親屬家口及僞將軍總兵副將等進京叅遊以下俱發河南江西山東湖廣四省安置巡撫王繼文奏吳逆未叛之先百姓隸其籍者甚雲南通志

卷之三

沿革大事考

七十八

多請分別安插

詔釋放爲民

巡撫王繼文奏雲南金汁等河積水灌田計數十萬頃自亂後堤壩傾頽田畝荒蕪全書額載歲修銀兩不敷用議令捐修俾民歸墾輸賦

詔許之

五月巡撫王繼文議以起發吳逆家口後食鹽人少奏減黑井歲課二萬四千兩

詔許之

九月差禮部王事宋俄岱賚

御書清慎勤三字賜總督巡撫

二十二年癸亥議設鼓鑄於雲南蒙自大理等處
巡撫王繼文議奏捐修學校振興文教正人心以
端風俗

詔許之

總督蔡毓榮議奏收滇中軍器并議魯魁山野賊
苗獠錯雜恃險嘯聚搶掠索附近鄉民保頭錢
剿卽潛遁防禦稍懈卽肆出爲虐亟宜弭之

雲南通志

卷之三

沿革大事考

七十九

詔下部議部覆作何撫剿不致滋蔓聽總督酌行

三月總督蔡毓榮巡撫王繼文以大兵復滇土司
投誠者權授武銜不便撫馭 題請宜照開滇
事例各與承襲

工特命兵部左侍郎庫勒納赴滇查議俱准世職

八月補雲南辛酉科鄉試

二十三年甲子十月馬齊滿兵回京

二十四年乙丑三月總督蔡毓榮品設援剿左右
二協官兵並添撫標兵三百名提標二營鶴麗

鎮兵六百名以援勦左協駐尋甸州右協駐省城

總督蔡毓榮議以吳逆原請沐氏勲莊田地變價歸併附近州縣照民糧起科

二十五年內寅二月巡撫王繼文奏給雲南會試舉人盤費

詔准照貴州事例

十二月總督范承勲議請以援剿右協官兵移駐羅平州

雲南通志

卷之三

沿革大事考

八十

巡撫王繼文奏請雲南孤貧口糧歲發常平倉捐穀賑恤

詔許之

五月禮部頒

御書萬世師表墨刻到滇分賜各府州縣造扁懸置學宮

二十六年丁卯二月總督范承勲議裁雲南都使司各衛所歸併附近州縣并省守備千總經歷等官及平彝儒學歸併曲靖府

預檄千總孫廷標與宣起鳳內外夾攻賊當潰散擒其首惡誅之餘令歸伍亂乃定

二十日省城兵丁因尋甸兵譁訛言四起遠近居民紛紛逃匿亦乘機糾黨約於二十一日五鼓鳴炮作亂總督范承勳訶其謀以方畧授按察使許弘勳密諭司更者立竟夜擊二鼓亂未即發隨遣能員分擒首惡未曙陸續就縛斬倡首張麻子等十三人餘皆不問兵民以安

達賴喇嘛求互市於金沙江總督范承勳以金沙雲南通志

卷之三

沿革大事考

八十二

江係內地 奏請於中甸互市

詔許之

十月總督范承勳因雲南錢法壅賤兵餉以銀七錢三搭放未便請以全銀支給

詔許之

二十八年己巳五月巡撫石琳於改正賦役全書議屯糧賦重十倍民糧鹽課四倍舊課并南安易門有課無廠臨安叅將舊例浮派兀江開化賦重麗江有額無徵數事奏請

九月總督范承勳奏請二十一年至二十七年逋欠屯糧分年帶徵

十念滇民困苦悉行蠲免

二十九年庚午二月巡撫王繼文因錢價壅賤驛堡以全錢動放未便請以銀七錢三支給

詔許之

十月巡撫王繼文奏請衛所荒田照民糧上中起科聽民開墾

雲南府縣學原合建於五華山右流寇入滇據爲

雲南通志

卷之三

沿革大事考

八十三

營署遷設長春觀其地卑陋及大兵復滇暫請以吳逆廢宅爲縣學皆不可以妥

至聖十月總督范承勳會同巡撫王繼文奏請改建舊址首先捐俸布政于三賢按察許弘勳糧儲道張仲信署驛鹽道永昌道畢忠吉學道吳自肅及各府州縣皆一體捐修

面攻圍搗其巢穴三十年正月李尚義被擒自
殺餘黨招撫悉平

三十年辛未三月巡撫王繼文奏請雲南衛所田
地先時歸併州縣內有遠近相違官民未便者
悉行改正